



28 APR, 2026

Sektor tenaga negara dijangka terus pameran daya tahan tinggi

Harian Metro, Malaysia



Kuala Lumpur: Kedudukan Malaysia sebagai hab pusat data (DC) utama di Asia Tenggara dijangka semakin kukuh, dipacu oleh penawaran kadar tarif elektrik yang sangat kompetitif berbanding negara jiran, menurut penganalisis.

RHB Research menjangkakan sektor tenaga negara akan terus memamerkan daya tahan tinggi walaupun berhadapan dengan ketidakpastian harga tenaga di peringkat global.

Ia berkata, kesan kenaikan harga tenaga terhadap Tenaga Nasional Bhd (TNB) dan penjana kuasa lain

Sektor tenaga negara dijangka terus pameran daya tahan tinggi

adalah minimum, memandangkan ia disalurkan kepada pengguna akhir melalui mekanisme Pelarasan Kos Bahan Api Secara Automatik (AFA) bulanan.

Menurutnya, sejak pelaksanaan AFA Julai lalu, kerajaan terus meluluskan rebat AFA berikutan nilai ringgit yang lebih kukuh dan harga gas yang lebih lemah.

Katanya, berdasarkan harga arang batu dan gas semasa, kerajaan menjangkakan surcaj AFA se-

banyak lapan sen pada Julai berbanding rebat 47 sen pada masa ini.

Jelasnya, pelarasan itu terutamanya mencerminkan harga gas Tahap-2 yang lebih tinggi, dirangkan oleh nilai ringgit yang lebih kukuh dan harga gas bersubsidi Tahap-1 yang lebih rendah.

"Dengan mengandaikan kerajaan meningkatkan surcaj AFA kepada 10 sen bagi setiap kilowatt sejam (kWh), kadar tarif efektif DC masih kompetitif pada

AS\$17 sen setiap kWh berbanding Singapura dan Filipina," katanya dalam nota penyelidikannya.

RHB Research menjangkakan harga arang batu perlu mencecah AS\$380 satu tan untuk surcaj AFA meningkat kepada 10 sen.

Ia berkata, harga arang batu mencapai kemuncaknya pada 2023, apabila kerajaan mengenakan surcaj elektrik 20 sen untuk pelanggan bukan domestik, memandangkan harga arang batu meningkat ke-

pada rekod tertinggi kira-kira AS\$450 satu tan apabila perang Rusia-Ukraine tercetus.

Pihaknya percaya kesan tidaklah begitu teruk kali ini berikutan harga asas Tempoh Kawal Selia 4 (RP4) yang lebih tinggi berbanding tempoh sebelumnya.

"TNB dan Suruhanjaya Tenaga perlu mendapatkan kelulusan Kabinet untuk meningkatkan surcaj AFA melebihi 3 sen.

"Kami menganggarkan bahawa setiap pergerakan harga arang batu AS\$10 satu tan akan memberi kesan kepada AFA sebanyak 30 sen," katanya.